



Dinamicas macro-regionalas en Mediterranèa occidental: cap a un renovelament de la cooperacion territoriala.

Thomas Perrin

► To cite this version:

Thomas Perrin. Dinamicas macro-regionalas en Mediterranèa occidental: cap a un renovelament de la cooperacion territoriala.. Treballs de la Societat Catalana de Geografia, 2019, XXXIV-87, 10.2436/20.3002.01.177 . halshs-02479969

HAL Id: halshs-02479969

<https://shs.hal.science/halshs-02479969>

Submitted on 14 Feb 2020

HAL is a multi-disciplinary open access archive for the deposit and dissemination of scientific research documents, whether they are published or not. The documents may come from teaching and research institutions in France or abroad, or from public or private research centers.

L'archive ouverte pluridisciplinaire **HAL**, est destinée au dépôt et à la diffusion de documents scientifiques de niveau recherche, publiés ou non, émanant des établissements d'enseignement et de recherche français ou étrangers, des laboratoires publics ou privés.

Dinàmiques macro-regionals a la Mediterrània occidental: cap a una renovació de la cooperació territorial¹

Thomas Perrin²

Universitat de Lille

Laboratori Territoires, Villes, Environnement & Société (TVES)

thomas.perrin@univ-lille.fr

Resum: *Dinàmiques macro-regionals a la Mediterrània occidental: cap a una renovació de la cooperació territorial*

Malgrat que la Mediterrània occidental no compta amb estratègies macro-regionals pròpies en el marc de la Unió Europea, presenta unes determinades característiques espacials i socioeconòmiques, tal com han destacat diferents treballs. Els esquemes de cooperació regional i subestatal són nombrosos a la Mediterrània occidental i s'hi poden observar alguns avenços cap a formes de cooperació macro-regional. S'identifiquen i analitzen tant les variables que la poden impulsar com les que la poden limitar. Aquestes variables ajuden a entendre millor com la macro-regionalització, al combinar l'escala trans-meso i la lògica postcomplexa, pot implicar una reestructuració de les referències espacials i de les polítiques de planificació territorial a la Unió Europea.

Paraules clau: macro-regió, macro-regionalització, Mediterrània occidental, cooperació territorial.

Resumen: *Dinámicas macro-regionales en el Mediterráneo occidental: hacia una cooperación territorial renovada*

Aunque el Mediterráneo Occidental no cuenta con estrategias macro-regionales propias en el marco de la Unión Europea, presenta unas determinadas características espaciales y socioeconómicas, tal como se han señalado en diferentes trabajos. Los esquemas de cooperación regional y subestatal son numerosos en el Mediterráneo Occidental y se pueden

1. Thomas Perrin, «maître de conférences en aménagement et urbanisme», va impartir la seva conferència a la SCG l'11 de febrer de 2019.

2. Mercés a Núria Bedós Bayó (Generalitat de Catalunya) per la collaboracion e a Stefan Gänzle (University of Agder) per l'ajuda editoriala.

Mercés a Joan-Francés Courouau (Université Toulouse Jean-Jaurès) per la traduccio del text del francés a l'occitan.

observar algunos avances hacia formas de cooperación macro-regional. Se identifican y analizan tanto las variables que pueden impulsarla como las que pueden limitarla. Estas variables contribuyen a comprender mejor cómo la macro-regionalización, al combinar la escala trans-meso y la lógica post-compleja, puede implicar una reestructuración de las referencias espaciales y de las políticas de planificación territorial en la Unión Europea.

Palabras clave: macro-región, macro-regionalización, Mediterráneo Occidental, cooperación territorial.

Abstract: *Macro-regional dynamics in the Western Mediterranean: towards a renewal of territorial cooperation*

Although there is no European macro-regional strategy for the Western Mediterranean, various studies identify notable spatial and socio-economic characteristics of the area. The Western Mediterranean includes numerous regional and sub-state cooperation schemes and we can observe a trend towards macro-regional forms of cooperation. We point out and analyse both the variables that can drive such a macro-regionalisation, and those that can limit it. The case of the Western Mediterranean contributes to better grasp how macro-regionalisation, which combines a trans-meso scale and a post-complex rationale, can renew EU spatial references and planning policies.

Palabras clave: macro-region, macro-regionalisation, Western Mediterranean, territorial cooperation.

* * *

Introducción


Aqueste article s'interessa a la cooperació territorial dins la zona de la Mediterrània occidental. L'objectiu es de veire en què les dinàmiques de cooperació en plaça actualment senhan la construcció –senon la constitució– d'una macro-regió de l'Unió europea (UE), a l'imatge de les estratègies diches macro-regionalas que l'UE ha botades en plaça, després del 2009, a l'entorn de la mar Bàltica, del Danubi, de les mars Adriàtica i Iònica i de l'espai alpenc (Gänzle i Kern, 2016; Boulineau, 2017) (fig. 1). Aquelles estratègies han per objectiu de coordinar millor i de fer interagir els diferents dispositius de cooperació territorial –regionals, nacionals, europeus– dins la mateixa macro-regió, i aquò per respondre conjuntament a d'envíos comuns de desenvolupament i d'ampliatjament del territori: canvi climàtic, pol·lució, rets i infraestructures de transport, sinergies econòmiques o fluxos migratoris per exemple. S'agís pas de crear un nou programa o un nou escalon administratiu, sinó més aviat de definir d'orientacions estratègiques que permeten de racionalitzar millor i d'operacionalitzar els instruments existents, segons els temes i els criteris prealabllament negociats, i en associant els diferents actors concernits:

agents estatals e sub-estatals, organismes privats e publics, organizacions non governamentalas. Un apròchi similar se retròba dins las estrategias regionalas de bacín marítim que l'UE coordona per la mar Baltica, la mar Negra, la mar Mediterrània, la mar del Nòrd, l'ocean Atlantic o l'ocean Arctic (fig. 1).

Emai se una quantitat importanta de literatura academica, de rapòrts institucionals e d'eveniments especialitzats son estats consacrats a aqueles desenvolupaments, demòran puslèu confidencials en defòra dels cèrcles d'experts interessats o de professionals implicats. De mai, la macro-regionalizacion es un fenomèn multifacetic que engloba d'estructuras e de procès variats que de cops se cavalcen. Es ligada a d'autras dinamicas territorialas e espacials complèxas e diversas e fa intervenir mantuns domenis d'accion publica.

Diferents trabalhs identifican la Mediterrània occidental coma una macro-region europea dinamica e coërente. La cooperacion territoriala s'es desenvolupa

Figura 1. Estrategias macro-regionals e de bacín marítim



Sorsa: Mission operacionala transfrontaliera, *in* Wassenberg *et al.* 2015, p. 46.

a de nombrosas escalas, tanben a l'escala macro-regionala e la zòna inclutz tanben la dimension “extèrna” de la politica de vesinatge sud de l'UE. Pr'aquò, cap d'estategia macro-regionala es pas estada botada en plaça. Es doncas un cas particularament interessant per analisar la macro-regionalizacion, de las projeccions territorialas a la mesa en òbra de las politicas, e per discutir de las oportunitats, coma tanben dels obstacles, d'aquel móde de cooperacion territoriala.

La metodologia es basada sus l'analisi documentària e lo trbalh de terren. Lo còrpus documentari s'apuèja sus la literatura academica e la documentacion tecnica e politica, que concernisson a l'encòp las macro-regions e la macro-regionalizacion en general, e la Mediterranèa occidental en particular, e tanben de trbalhs anteriors de l'autor. La recerca documentària a permés d'elaborar lo quadre analitic que es estat confrontat a la situacion concreta del cas. Lo trbalh sul terren consistís en d'entrevistas e d'observacion participanta. Sèt actors ciblats son estats interrogats sus la dinamica macro-regionala en Mediterranèa occidental. La participacion dirècta a d'eveniments o reünions-claus ligats al subjècte analisat a aportat de contribucions de recerca suplementàrias e actualizadas. L'article presenta primièr lo quadre de l'analisi e las questions de recerca. Presenta puèi l'estudi de cas e las resultas que son, en seguida, analisadas dins las darrières partidas.

1. L'escala macro-regionala dins la cooperacion territoriala europea

Se las estrategias macro-regionals de l'UE an marcat un “virada critica” dins l'institucionalizacion d'aquela escala de cooperacion territoriala (Dühr, 2018), èra ja presenta dins d'autres dispositius: las organizacions dichas “sub-regionalas” talas coma Benelux, lo Grop de Visegràd; los programas europèus Interreg de la part dicha “transnacionala” lancats dins los ans 1990. Pr'aquò, contràriament a las unions subregionalas que repausan sus de modèls diplomatics interestatals tradicionals, los autres tipes de macro-regionalizacion implican un quadre de governança mai complèx, e un apròchi espacial que subrepassa las frontières estatalas. Per alhors, lo concepte de “mega-regions” desvelopat per de cercaires nòrd-americans remanda a l'apròchi macro-regional europèu, emai s'es mai focalizat sus la dimension urbana e metropolitana (Florida *et al.*, 2008; Boix e Marull, 2016) (fig. 2).


Aqueles desenvolopaments confirmen qu'una tala escala “trans-meso”, a l'encòp transnacionala e intermediària, presenta un interès per organizar e amainatjar de regions repartidas entre diferents ensembles nacionals, estatals o supra-nacionals, mas ligats per de fluxes e d'interaccions que se jògan de las frontières tradicionals. Es particularament lo cas dins un espaci transnacional tal coma l'UE e

dins la proposicion de la Comission pels programas de cooperation territorialia 2021-2027, es previst de melhor alinhar los fonses e programas de cooperacion territorialia sus las estrategias macro-regionals e de bacins maritimes existents.

Sul plan teoric, la macro-regionalizacion es ligada a d'evolucions representativas d'una pòst-modernitat territorialia, a l'encòp en tèrmes de visions espacialas e d'accion publica, en començar per la nocion de *soft-spaces* (Allmendinger *et al.*, 2014), que remanda a una delimitacion flexibla e variabla dels espacis de cooperacion segon los projèctes e los partenaris implicats. Aquela nocion correspond als apròchis relacionals o associatius de las regions e de la regionalizacion, que s'interessa a la mesa en plaça de “territoris de projèctes” evolutius e sus mesura per respondre a de questions especificas (Seltzer e Carbonell, 2011, p. 10-11; Jones e Paasi, 2013). Trobam aqueles apròchis dins los discourses dominants sus las estrategias macro-regionals e de bacins maritims de l'UE.

Los modèls macro-regionals illustran tanben lo concèpte de rescalonament de l'Estat (*state rescaling*) (Brenner 2004), que descriu coma la decentralizacion cap a de regions sub-estatalas “micro” e l'inclusion dins de regions supra-estatalas “macro” coma l'UE, ligadas a de novèlas formas de regionalisme (Perrin,

Figura 2. Las mega-regions d'Euròpa



Sorsa: mapas per Tim Gulden e Ryan Morris, *Who's your city by Richard Florida*,
<http://www.creativeclass.com>, Copyright ©2008 by Richard Florida

2016), remodèlan la geografia e la distribucion del poder dels Estats, sens ne senhalar necessàriament l'aflaquiment. En rason de sa natura multipartita, la macro-regionalizacion fornís tanben de cases empirics de sistèmas de governança multi-nivells que articulan divèrses programas politics a differentas escalas politicas e territorialas. Una caracteristica essenciala de la cooperacion macro-regionala es la dimension cooperativa e la capacitat dels actors implicats a ajustar lors interèsses dins la perspectiva de decisions comunas. Se pensa per exemple a las relacions entre organizacions transfrontalières o euroregions presentas dins la meteissa macro-region, o encara a las relacions entre autoritats territorialas e servis de l'Estat.

Enfin, la macro-regionalizacion participa a una europeanizacion espaciala e territoriala (Bellini e Hilpert, 2013; Stead *et al.*, 2016; Boulineau, 2017). La definicion e lo fonctionnement de la màger part dels arrengaments macro-regionals son influenciats per las visions e los metòdes de l'Union europèa. Ofrisson una governança alternativa e lor objectiu es d'armonizar las posicions e las politicas jos un capèl comun, basat sus las prioritats europèas. Per alhors, la cartografia de las macro-regions pòt influenciar la meta-geografia europèa, las referéncias espacialas que per elas los individús organizaen lor coneissença del mond. La mapa de la macro-regionalizacion dessenha de "Pichòtas Euròpas" (Dühr, 2018, p. 543) amb de frontières distinctas de la mapa dels Estats-membres.

Taula 1. Tipologia de la macro-regionalizacion en Euròpa

Iniciativa	Actors principals	Delimitacion espaciala	Exemple
Unions sub-regionalas	Estats	Fix Frontières estatalas	Benelux, Grop de Visegrád, Consell nordic
Organizacions interregionalas	Autoritats sub-estatalas	Fix Frontières sub-estatalas	Comissions geograficas de la Conferéncia de las regions perifericas marítimas
Programas Interreg transnacionals	UE Estats et autoritats sub-estatalas	Fix Nomenclatura europèa NUTS	Euròpa del Nord-Oest, Adriatica-Ioniana
Estrategias macro-regionals	UE Estats et autoritats sub-estatalas	Mixte Frontières estatalas ou sub-estatalas, mas discors sus la delimitacion variabla/adaptabla en fonction de l'objectiu politic o del projècte	Estrategia de l'Espaci alpenc, estrategia del Danubi
Estrategias de bacins marítims	UE Estats et autoritats sub-estatalas	Mixte Frontières estatalas ou sub-estatalas, mas discors sus la delimitacion variabla/adaptabla en fonction de l'objectiu politic o del projècte	Atlantic, mar del Nòrd

Taula 2. Quadre conceptual d'analisi de la macro-regionalizacion**Concèpte / apròchi****Efièch / fenomèn**


	Domeni espacial	Domeni d'accion publica
Rescalonament de l'Estat <i>State rescaling</i>	Transformacion de la capacitat de l'Estat “de bas en haut” Renovelament del regionalisme e de la regionalizacion “micro & micro”	
Soft space / regions relationalas	Delimitacions espacialas <i>ad-hoc</i> , basat sus de projèctes e sus mesura	
Governança multi-nivèls		Conjonccion & coordinacion de divèrses actors a diferents nivèls per realizar un projècte / un accion en comun
Europeanizacion	Re-cartografia: promocion d'una meta-geografia renovelada	Promocion dels metòdes e prioritats de l'UE

Aital la macro-regionalizacion a d'implicacions suls dispositius d'amainatjament del territori a l'encòp en tèrmes de vision territoriala –“efièches espacials”– e d'accion publica –“efièch politic”. Prepausam d'analisar aquelas questions dins lo cas de la Mediterranèa occidentalala, per tal de veire se las dinamicas de cooperacion territoriala senhalan una macro-regionalizacion d'aquel espaci.

2. La Mediterranèa occidentalala: elements per una macro-region

L'espaci de la Mediterranèa occidentalala se prèsta a mantunas lecturas e a de nombrosas denominacions (Courtot *et al.*, 1994, Rivière 2005, Durà e Oliveras, 2013), sovent ligadas a las projeccions territorialas de la Comission europea e a las operacions de marketing territorial de las autoritats membres d'aquel espaci. Pr'aquò, al-delà d'una dimension performativa, mantunas sorsas convergisson per dessenhar un perfil macro-regional objectiu d'aquel espaci.

A l'escala europea, la màger part dels trabalhs fan una distinccion entre una version espandida que engloba las regions, principalmente costières, que van d'Andalosia dins lo sud d'Espanha a Sicília dins lo sud d'Itàlia, e una Mediterranèa occidentalala “nodala” que va de la Comunautat Valenciana fins a Toscana e religa “tres regions economicas e lors zònas d'influéncia: l'ais Cataloha-Valençà, l'ais Ròse e lo Nòrd d'Itàlia” (Durà e Oliveras, 2013, p. 108), e que estructuran los aisses metropolitans Gènoa-Marselha-Barcelona-Valençà sus la còsta e Lion-Tolosa-Turin dins las tèrras. Auel còr de la Mediterranèa occidentalala es estat de còps apelat “arc mediterranenc nòrd-occidental”, o “arc latin”, sens que, aquí tanpauc, una denominacion prenga lo pas sus l'autra (fig. 3).

Figura 3. L'arc mediterranenc occidental en Euròpa, version espandida

Sorsa: Durà-Guimerà e Oliveras-González, 2013, p. 102.

Dins sas reflexions sus la mapa conceptuala d'Euròpa, Stein Rokkan a solinhat que Catalonha, las regions de l'ais Rin-Ròse o Itàlia de Nord apartenián a una “Euròpa de las ciutats-Estats” economicament e comercialament dinamica (Seiler, 2004). E malgrat los risques temporals e sòciopolitcs, la geo-istòria pòt fornir d'elements per apreciar lo perfil macro-regional d'un territori donat... e motivar las cooperacions territorialas, tanben a l'escala macro-regionala (Perrin, 2013; Perrin, per paréisser): “los eretatges istorics e culturals comuns preexistents dels territoris incluches dins las macro-regions (...) servisson de raconte util per un novèl espaci macro-regional en tèrmes culturals” (Gänzle e Kern, 2016, p. 9). En Mediterrània occidental, d'orientacions sòcioculturalas similaras, en particular las capacitats lingüísticas pròchas e relativament ben partejadas, son consideradas coma d'avantatges potencials per la cooperacion macro-regionala (Nagler, 2013, p. 49-50; Perrin, 2013).

Dins los ans 1990, mantuns trabalhs sus l'espaci europèu an identificat aquel espaci e aquellas potencialitats, en particular dins la zòne nodala. Roger Brunet e lo GIP Reclus identifican un Nòrd del Sud coma espaci estructurant de l'UE (Brunet, 1989) (fig. 4). Lo rapòrt Euròpa 2000 de la Comission europèa identifica un “centre de desvelopament segondari important que s'espandís de las regions pròsperas del sud d'Alemanha e del nòrd d'Itàlia cap a l'oèst fins a las regions en creissença rapida del sud de França e de las regions de Barcelona e Valençà” (CCE, 1991, p. 13). La “Mediterrània occidental” ven puèi un zonatge

dels programes Interreg de cooperacion transnacionala, aquela delimitacion englòba emai Mediterrània tota a partir de 2007 (Dühr, 2018). D'autres trabalhs evòcan una “sun belt” o una “banana daurada” europèa (Lever, 1999, p. 1042). D'apròchis similars posicionan la Mediterrània occidental al còr d'una “fun belt” que va dels Pirenèus als Alps amb d'estacions d'esquí e d'”estacions balnearias de moda dins los Balears, la Riviera”, e que se presenta coma una “California europèa” (Baudelle, Guy e Ollivro, 2002, p. 130). Dins lo meteis sens, de geografs nòrd-americans an identificat una “mega-region Barce-Lion” o “mega-region Euro-Sunbelt” que s'espandís de Barcelona a Marselha, de Tolosa a Lion, compta a l'entorn de 27 milhons d'estatjants e se classa, en 2012, en 6^{ena} e 9^{ena} posicion en Euròpa en termes de populacion e de PIB respectivament (Boix e Marull, 2016, vej. fig. 2). Aquela perspectiva mega-regionala es estada tanben aplicada sus l'arc mediterranenc entre Catalunya e la region valenciana en Espanha (Boira, 2010).

Segon aqueles apròchis, la Mediterrània Occidental combina d'avantatges de localizacion, de sectors economics eficaces e una environa e una qualitat de vida atractivas. La zòna es pro facilment religada a la zòne centrala de creissença d'Euròpa o zòna de “dorsala europèa”, autrescòps apelada “banana blava” europèa d'après los trabalhs de Roger Brunet. E los fluxes sòcio-economics semblan confirmar una coérència macro-regionala (Nagler, 2013).

Figura 4. L'arc mediterranenc occidental, interfacia entre lo Nòrd e lo Sud




Fig. 3 - L'ARC MÉDITERRANÉEN, INTERFACE ENTRE LE NORD ET LE SUD. (Source: d'après GIP-Reclus DATAR). 1 : dorsale médiо-européenne, 2 : arc méditerranéen, a : système de l'arc méditerranéen et ses prolongements, b : système de relation avec le nord de l'Europe, c : système d'ouverture vers la Méditerranée et au-delà.


Sorsa: Daviet *et al.*, 1994: 12 (mapa basada en GIP Reclus).

En despièch de las variacions de definicion e de concepcion d'aquel espaci, mantuns documents politics de l'UE reconeisson que, compte tengut de la realitat geo-istorica, espaciala e sòciopolitica de la region, i pòdon pas aver que mantunas estrategias macro-regionalas en Mediterranèa (CESE 2012, PE 2012, PE 2012, PE 2015). Dins aquela amira, l'estrategia de la macro-region adriatica e ioniana (EUSAIR) representa la macro-region mediterranenca centrala. De mai, segon la logica dels *soft-spaces*, la Mediterranèa occidental se limita pas a la riba nòrd de la Mediterranèa. Una de las valors ajustadas d'aquela macro-region pòt èstre d'enfortir los ligams e la cooperacion amb las regions costièras de Marròc, d'Argeria e de Tunisia e lors aglomeracions urbanas, que participan a la politica europea de vesinatge Sud (Scott *et al.*, 2019).

3. Dinamicas de cooperacion: actores e dispositius

La Mediterranèa occidental compren de nombrosas estructuras e iniciativas de cooperacion territoriala. Se declinan a totas las escalas: del nivèl inter-estatal pan-mediterranenc amb la Convencion de Barcelona de l'ONU e sos centres d'accions regionalas coma lo Plan Bleu, basat à Niça-Sophia-Antipolis, o amb l'Union per la Mediterranèa que recampa los 28 Estats membres de l'Union eu-

Figura 5. Cooperacion territoriala en Mediterranèa occidental: participacion de las regions e de las vilas europeas per nombre d'entitats e de sètis socials



Sorsa: Durà e Oliveras, 2013, p. 109.

ropèa e 15 païses mediterranencs partenaris; fins a un centenat d'organizacions de cooperacion entre autoritats territorials, que lor reparticion mòstra una implicacion importanta de las regions situadas al còr de la Mediterrània occidental (Durà e Oliveras, 2013) (vej. fig. 5) (vej. taula 3). Una analisi fondada suls programas Interreg solinha que la region es, amb la mar Baltica, l'una de las macro-regions mai integradas e mai coorentas del punt de vista de la cooperacion territorial (Nagler, 2013, p. 38).

La Comission Intermediterrànenca (CIM) es una comission geografica de la Conferéncia de las Regions Perifericas Maritimas que recampa un quarantenat d'entitats sub-estatalas dels païses mediterranencs amb la Comunitat valenciana, Catalonha, Occitània, PACA o la Toscana. A la fin de 2014, la CIM a botat en plaça un grop de travalh especific sus la cooperacion territorial e las estrategias macro-regionals en Mediterrània.

En particular, remarcam doas euroregions situadas a las extremitats de la zòna nodala de la Mediterrània occidental:

- l'Euroregion Pirenèus-Mediterrània a la frontiera franco-espanhòla, entre las regions Catalonha, Balears, Occitània (fig. 6);
- l'Euroregion Alps-Mediterrània a la frontiera franco-italiana, que recampa las regions Auvèrnhe-Ròse-Alps, PACA, Piemont, Liguria e Val d'Aosta.

Per alhors, Catalonha e Auvèrnhe-Ròse-Alps son membres, amb Baden-Württemberg e la Lombardia, de l'associacion dels Quatre motors per Euròpa creada en 1988. Auela cooperacion de longa data, emblematica de l'emergéncia de novèls agendas regionalistas dins los ans 1990, visa la competitivitat d'aquellas regions ricas e pro poderosas, notadament en matièra d'economia, de sciéncias e de tecnologias.

Mai especificament a l'escala macro-regionala, trobam un forum interestatal, lo Dialòg 5+5, creat en 1990 entre Espanha, França, Itàlia, Malta, Portugal, Argeria, Líbia, Marròc, Mauritania e Tunisia. Es l'organ mai ancian que religa los païses de las doas ribas de la Mediterrània e forma un jos-grop actiu al sen de l'Union per la Mediterrània. Lo forum a botat en plaça un Grop dels Ministres dels Transpòrts de la Mediterrània occidental (GTMO 5+5), que sos travalhs son gerits pel centre CETMO, basat a Barcelona.

Figura 6. L'euroregion Pirenèus-Mediterrània



Sorsa: <http://www.euroregio.eu>

Se pò citar tanben l'Arc latin, una associacion basada a Barcelona entre las autoritats territoriales de nivèl NUTS 3 costières (províncias e departaments). De mai, mantuns programas Interreg transnacionals de l'UE pòdon sostenir la cooperacion macro-regionala, en particular lo programa Mediterranèa (MED). Per exemple, mantuns actors de la Mediterranèa occidental participan a la plataforma Panoramed, qu'es un ais del programa MED que visa a l'enfortiment de las capacitatats de govèrn e de cooperacion en Mediterranèa, notadament en desenvolopant las complementaritats entre los utisses, las sorsas de finançament e los actors de la zòna. Se pò remarcar aquí que de 2008 à 2011 un projècte Interreg MED, Medgovernance, a estudiat un novèl sistèma de governança regionala eficaç per la zòna Euromed. La cooperacion macro-regionala èra ja prevista dins aquel projècte.³ De mai, los programas transnacionals Region alpenca e Euròpa del Sud-Oèst incluson cèrts territoris de la Mediterranèa occidental. Las partidas beneficiàrias pòdon tanben mobilizar de ressorsas Interreg a partir de quatre programas transfrontalièrs dins la region: Alcotra (França-Itàlia), Poctefa (França-Espanha), Maritima França-Itàlia e lo programa transfrontalièr de la politica europea de vesinatge meridional.

Demèst los actors sub-estatals, se remarcia una implicacion afirmada de tres regions situadas dins l'arc nodal de la Mediterranèa occidental: Catalunya, PACA e Occitània. Catalunya e PACA co-presidisson d'alhors lo grop de travall de l'IMC sus la cooperacion macro-regionala e territoriala en Mediterranèa. Aquelas regions son tanben implicadas dins d'organizacions que complètan lo malhatge cooperatiu d'aquel espaci nodal: l'euroregion Pirenèus-Mediterranèa e l'euroregion Alps-Mediterranèa.

Catalunya a ocupat istoricament una plaça estrategica dins aquel espaci. Istoricament, Barcelona es estat e demòra l'un dels principals pòrts mediterranencs. A l'Edat Mejana, la vila èra l'una de las capitalas politicas e economicas d'una talassocracia mediterranenca occidental, la confederacion de la Corona d'Aragon. Se pò observar un rapèl geocultural d'aquel quadre territorial dins la vision de l'Institut Ignasi Villalonga d'Economia i Empresa (Prytherch, 2009). Aquel grop de reflexion basat a Valençà promòu lo concepte de l'Euroregió de l'Arc Mediterrani que s'espandís de la Comunitat Valenciana en Espanha a Catalunya del Nòrd, la region istorica catalana del sud-oèst de França que corresponde al departament dels Pirenèus-Orientals. Preconisa notadament lo melhorament de las infraestructuras de transpòrt dins lo corridor mediterranenc espanhòl (Boira e Prytherch, 2015). Se pò observar un tropisme mediterranenc dins la cooperacion e las estrategias exterioras que lo govèrn catalan, la *Generalitat*, a desenvolopadas après la democratizacion d'Espanha a la fin dels ans 1970. A multiplicat los engatjaments actius dins la cooperacion territoriala e es venguda l'iniciadora o lo *leader* de nombrosas cooperacions e organizacions (Perrin, 2014).

³. http://www.programmemed.eu/en/the-projects/project-database/results/view/single.html?no_cache=1&idProject=133&cHash=689829865606acfb85bbe053ed505901

Aital Barcelona es lo sèti de nombrosas organizacions cooperativas mediterranencas: Union per la Mediterranèa, GTMO 5+5, Comission Intermediterranenca de la CRPM, Arc Latin, Associacion de las Cambras de Comèrci e d'Industria de la Mediterranèa (ASCAME), Institut Europèu de la Mediterranèa (IEMed), Partenariat per la recerca e l'innovacion dins la region mediterranenca (PRIMA). En febrièr de 2019, lo govèrn catalan a organizat, en collaboracion amb l'Euroregion Pirenèus-Mediterranèa e la Comission Intermediterranenca, un Forum Catalonia Mediterranean que son objectiu es de promòure e de relançar una Estrategia mediterranenca catalana (MedCat), en particular lo ròtle de la cooperacion macro-regionala dins la politica regionala de l'UE après 2020. A aquela escasença, los representants de 5 organizacions mediterranencas (CIM, Euroregion Pirenèus-Mediterranèa (EPM), MedCités, Arc Latin e Euroregion Adriatica-Ioniana) an signat una Aligança de Cooperacion Mediterranenca.

Emai se tradicionnalament –e comparativament a Catalonha– las regions francesas an pauc de competéncias e pauc de ressorsas, la region PACA concentra sus relacions exterioras sus “Euròpa e la Mediterranèa”. Aquò s'inscriu dins una estrategia nacionala amb lo grand programa de renovacion urbana Euromediterranèa, iniciada per l'Estat francés en 1995 per far de Marselha una metropòli euro-mediterranenca de primièr plan. La region es estada l'autoritat de gestion del programa Interreg per la Mediterranèa en 2007-2013 e 2014-2020. S'endralha actualament dins la revision de la cartografia de las rets transeuropees de transpòrt de l'UE per inclure lo tròç Marselha-Gènoa dins lo corridor mediterranenc.

La region Occitània creada novèlament en 2016 (Bernié-Boissard, Courouau e Perrin, 2018), per la fusion de las doas ancianas regions Miègjorn-Pirenèus e Lengadòc-Rosselhon –que es estada una de las primièras regions a signar un acòrdi de cooperacion amb Catalonha tre los ans 1980– mòstra per quant a ela una preocupacion creissenta pels afars mediterranencs. Per la dobertura de l'ostal de la region Occitània-Euròpa a Brusèllas, sa presidenta, Carole Delga, declarèt: “en tant que caireforc de l'Euròpa del Sud-Oest, es temps de soscar sus una “macro-region» de la Mediterranèa occidental amb Itàlia e Espanha, e dobèrta als païses de la riba nòrd d'Africa”. En 2018, la region organizèt sos primièrs Rescontres internacionals de la Mediterranèa e s'es endralhada, còsta de la CIM-CRPM, dins l'organizacion, a l'Ostal de la Region Occitània a Casablanca, dins de formacions a destinacion dels responsables regionals dels païses del Sud de la Mediterranèa.

La macro-regionalizacion es dintrada dins una novèla fasa amb lo lançament, en abrial de 2017, de l'iniciativa Oest-Med per la Comission europèana e le Dialòg 5+5. A l'exemple de nombrosas estrategias de bacins maritims, l'iniciativa visa principalament a far fàcia als enjòcs del desenvolopament durable de l'economia blava en Mediterranèa occidental: pollucion, urbanizacion costièra, securizacion del trafic. Una question critica es l'immigracion Sud-Nòrd que sos problemes de gestion noirissen un scepticisme popular creissent cap a

l'Union europea e l'emergéncia de movements anti-UE e sovent xenofòbs dins de nombroses Estats membres. En decembre de 2018, l'iniciativa a permés a uèch projèctes de recebre un finançament total d'a l'entorn de 7,6 milhons d'euros per cooperar dins lo domeni de la pèsca durabla, dins los instituts e acadèmias de formacion marítima, la restauracion dels bòsques, la planificacion espaciala marítima per la securitat, per exemple. La Comission europea a tanben botat en plaça un mecanisme d'ajuda de 1,4 milhon d'euros per estimular aquela iniciativa. La Comission farà un rapòrt sus aquela iniciativa al Conselh europeu e al Parlament europeu d'aquí a 2022.

L'iniciativa Oest-Med presenta de caracteristicas macro-regionalas per differentas rasons. Es la resulta d'una dinamica de governança a mantuns nivèls: Comission europea, Estats e autoritats sub-estatalas. L'iniciativa illustra tanben un apròchi "soft space" amb una delimitacion variabla e "pas de territorialitat predefinida, es mai flexible", coma o solinha una persona interrogada. Sa mesa en òbra seguís de questions o de subjèctes que devon pas necessàriament implicar totes los partenaris o territoris. De novèls partenaris se pòdon eventualment jónher a l'iniciativa. Se retròba tanben l'objectiu de coordonar e de racionalizar las politicas e los programas qu'existisson dins aquel espaci.

Taula 3. Macro-regionalizacion en Mediterranèa occidental

Tipe	Organizacions	Dispositius complementaris
Sub-regional / inter-estatal	5+5 Dialòg en Mediterranèa occidental	Union per la Mediterranèa Plan Bleu
Interregional / sub-estatal	Comission Inter-Mediterranèa de la CRPM Arc latin	Politicas mediterranenacs de França, Itàlia, Espanha Politica de vesinatge UE Fondacion Anna Lindh
Programas transnacionals Interreg	Mediterranèa Euròpa del Sud-Oest Region alpenca	Euroregion Pirenèus-Mediterranèa Euroregion Alps-Mediterranèa Euroregion Andalosia-Algarve-Alenteijo Interreg Alcotra (França/Itàlia) Interreg Poctefa (França/Espanha) Associacion 4 Motors per Euròpa
Estrategia regionala de bacin	Iniciativa Oest-Med	

Aquelas dinamicas suggerisson que la Méditerranèa occidental constituis un espaci potencial en via de macro-regionalizacion. Per apregondir la question, nos prepausam de discutir differentas variablas relatives que tenon un efièch politic o un efièch espacial presupausat de la macro-regionalizacion:

- d'un costat, la mobilizacion dels actors e las interaccions multi-nivèls
- d'autre costat, la relacion entre una logica d'amainatjament europeanizada e sa mesa en òbra operacionala

Figura 7. Dispositius principals de macro-regionalizacion de la Mediterrània occidental



Sorsa: mapes base © histgeo.ac-aix-marseille.fr

4. Interaccions e interferéncias a nivells multiples: rescalonament e resiliéncia de l'Estat, persisténcia dels paramètres politics

La situacion en Mediterrània occidental confirma que las autoritats sub-estatalas son d'agents importants de la macro-regionalizacion. L'unio de las ressorsas e de las voses de las regions al dintre del grop de travall del CIM sus la cooperacion territoriala e las estrategias macro-regionals en Mediterrània a contribuit al lancament de l'iniciativa maritima O'est-Med (IOM), e los actors interrogats indican que los representants de regions o de las principales aglomeracions urbanas participan activament a l'iniciativa despuèi la debuta. L'implicacion de la Comission europea, en particular dels DG Mare e Regio, es estat tanben una vertadièra clau dins l'establiment de l'IOM. Aquel percors evoca l'Estrategia maritima adriatica e ioniana que, de 2012 à 2014, a precedit l'estrategia macro-regionala EUSAIR (Cugusi e Stochierro, 2016), amb un ròtle-clau de l'entreprenariat politic de la Region italiana de las Marchas. Aqueles faches pòdon suggerir que lo passatge d'una iniciativa maritima a une estrategia macro-regionala es susceptible de se produire en Mediterrània occidental.

Pasmens, los prepauses de diferents actors nuàncian aquellas perspectivas: “[una estrategia macro-regionala] es pas un subjècte [...], la dinamica es dife-

renta [...], pas pro de valor ajustada per justificar una estrategia macro-regionala”; “l’estrategia macro-regionala aurà pas jamai luòc, es trop complèxa”. Emai se reconneisson que “[l’IOM] pòt ajudar a establir una estrategia macro-regionala”, solinhan que la mesa en òbra d’una iniciativa marítima es ja un procès long e difficile. D’autres actors emeton tanben de réservas a rapòrt de l’expériéncia de “transicion” de la cooperacion marítima a la cooperacion macro-regionala dins la macro-region adriatica e ioniana.

L’estudi de cas bota tanben en question l’ipotèsi que las organizacions transfrontalières e las euroregions son d’actors-claus sistematics de la macro-regionalizacion. Las situacions semblan mai variablas. Per exemple, l’Euroregion Alps-Mediterranèa es inactiva despuèi mantunas annadas, notadament en rason de desacòrdis politics o d’un desinterès de las regions membres, que son ara implicadas dins l’estrategia de l’UE per la macro-region alpenca (EUSALP). Dans l’Euroregion Pirenèus-Mediterranèa, Occitània e Catalonha an clarament afirmat lors estrategias mediterranencas. Mas Occitània a una capacitat limitada segon l’organizacion territoriala francesa. En Catalonha, la relacion sòciopolitica controversada de longa data amb l’Estat espanyòl a atent un punt de rompedura en octòbre de 2017, quand lo govèrn catalan organizèt un referendum sus l’independéncia de la region, non autorizat per l’Estat espanyòl. Mantuns politicians catalans foguèron empresonats e d’unes deguèron fugir cap a d’autres païses europèus. Las resultas d’aquela crisa son incèrtas e questionan l’evolucion del regionalisme e la dinamica de rescalonament de l’Estat en Euròpa (Pellistrandi, 2018). La creacion d’un novèl Estat es la responsa als movements independentistas sub-estatals? Comal l’Union europèa pòt respondre a la volontat de millhons de ciutadans sens violar l’Estat de drech?

Mai concèrtamet, lo conflicte pòt entravar los projèctes de macro-regionalizacion dins la region, dins la medida que la cooperacion macro-regionala es tanben, per las autoritats sub-estatales, un mejan de projectar lor capacitat al-delà del domeni estatal (Gänzle e Kern, 2016, p. 9). Catalonha es una defensora essenciala de la macro-regionalizacion, mas en Espanha, l’Estat demòra l’autoritat de gestion de la màger dels fonses estructurals europèus 2014-20, e consèrva lo contraròtle d’autras politicas europèas que an d’implicacions majoras en matièra de planificacion, coma per exemple la realizacion d’una ligason ferroviària rapida dins lo corridor mediterranenc espanyòl. Activament promogut per Catalonha e la Comunitat Valenciana e incluch dins lo corridor mediterranenc sostengut pel programa de transpòrt de l’UE, aquel grand projècte d’infrastructura fa fàcia a una mesa en òbra puslèu lenta e a de prioritats estatales divergentas (Boira e Prytherch, 2015), malgrat l’existéncia del Grop dels Ministres dels Transpòrts per la Mediterranèa occidental.

Çaquelà, lo lancament de l’estrategia Cat Med en 2019 pòt marcar una nova virada dins la dinamica de cooperacion en Mediterranèa occidental puèi qu’associa fòrtament l’Euroregion Pirenèus-Mediterranèa al procès. Per çò que tòca a la cooperacion transfrontalièra franco-italiana, se pòt tanben observar

que mantunas organizacions cooperativas existisson al-delà de l'Euroregion Alps-Mediterranèa, coma per exemple AlpMed, lo gropament de las cambras de comèrci de l'euroregion (vej. fig. 7)⁴.

Lo cas de la Mediterranèa occidental confirma que la macro-regionalizacion, al-delà de la logica espaciala, depend fòrtament de paramètres politics... que los Estats centrals i conservan una capacitat preponderanta. L'iniciativa Oèst-Med resulta d'un percors "dels Estats cap als Estats" e un actor l'interpreta coma "una mena de responsa [dels Estats] a l'aspiracion de crear una estrategia macro-regionala". Lo projècte foguèt iniciat dins lo quadre interestatal del Dialòg 5+5, e, emai se la Comission europèa actèt sa mesa en òbra efectiva, lo procès es estat (tornar) pres en carga pel Dialòg 5+5. Cèrtas, las regions participan a la concepcion dels contenguts e de las activitats de l'IOM, mas lo comitat director es format de representants dels Estats. Tot parièr, sonque los representants dels Estats pòdon votar per prene una decision dins lo quadre de la plataforma de governança Panoramed mencionada mai naut. Un actor a declarat: "Nos cal utilizar de geometrias que correspondon a las volontats de l'Estat".

De mai, existís pas lo meteis gra de decentralizacion política entre las ribas Nòrd e Sud de la Mediterranèa occidental, çò qu'enfortís la plaça dels Estats, emai se se pòt senhalar que Marròc, integrat dins un procès de regionalizacion despuèi sas reformas constitucionals de 2011, es actualament associat amb la region Occitània per la formacion dels responsables regionals.

Per mantuns aspèctes, las estrategias macro-regionals, que representan la forma mai elaborada de macro-regionalizacion, demòran de quadres de cooperacion sub-diplomatics puslèu qu'interregionals, que los servicis diplomatics dels Estats membres i mantenon un contraròtle seguit. Las estrategias devon èstre aprovadas pels Estats membres del Conselh de l'UE. Malgrat lo lobbying de mantunas autoritats sub-estatalas de l'Arc Atlantic, una estrategia es pas estada adoptada fins ara en rason de las reticéncias dels Estats concernits (Carmona, 2013; Wise, 2016). Dins aquel sentit, las formas "classicas" de cooperacion sub-regionala, malgrat lor caractèr *a priori* datat, pòdon aver un ròtle a jogar dins la macro-regionalizacion, coma o a mostrat d'alhors lo ròtle del Dialòg 5+5 en Mediterranèa occidental o encara los Conselhs nordics dins la cooperacion de la macro-region de la mar Baltica.

Los paramètres politics concernisson tanben las relacions entre las autoritats sub-estatalas, que pòdon variar segon las majoritats e las linhas politicas, los engatjaments cambiadisses e las contingéncias politicas realas, coma o mòstra lo cas de l'Euroregion Alps-Pirenèus. Aquelas questions de governança evòcan un dilema recurrent de l'amainatjament regional, e a fortiori de l'amainatjament macro-regional, que las visions territorialas i seguissoun un apròchi relational e en ret, mentre que la mesa en òbra de politicas es ligada a las circonscripcions administrativas (Seltzer e Carbonell, 2011, p. 6-12).

4. <https://cci-alpmed.eu>

5. Tension entre projeccions espacialas e politicas d'amainatjament: quals limits per la Mediterranèa occidental?

Lo cas de la Mediterranèa occidental mòstra que l'apròchi macro-regionala pel "soft space" es confrontat a la *realpolititk*. Emai se dins lo discors de l'UE la dimension exteriora pòt representar un avantatge important de las estrategias macro-regionalas, per organizar l'espaci europeu en ligam amb los espacis de vesinatge, la macro-region de la Mediterranèa occidental apareis, per d'unes aspèctes, coma "tròp dobèrta per foncionnar". Retrobam aquí un indicator (suplementari) dels risques de la cooperacion euro-mediterranenca. L'Union per la Mediterranèa deviá marcar un novèl inici après lo fracàs del procès de Barcelona, primièra iniciativa lancada en 1995. Fins ara, las resultas de l'UpM son puslèu limitadas, se se considèra la situacion geopolitica, sociala e environmentala dins de nombrosas partidas de la Mediterranèa, amb la guèrra, las inegalitats creissentas e las tensions ligadas a las migracions. Mantuns observators an mostrat que la mesa en òbra de la cooperacion macro-regionala representa una escomesa importanta dins un espaci tant instable e discontínu (PE, 2015; Scott *et al.*, 2019; Cugusi e Stocchiero, 2016, p. 184). Sul terren, lo programa transfrontalièr mediterranenc de la politica de vesinatge 2014-2020 es estat retardat e lo primièr apèl a projècte es estat lançat pas qu'en july de 2017. Se pòt tanben mencionar aquí l'impacte relativament confidencial dels trabalhs del projècte Medgovernance que son estats liurats en 2011 (vej. supra nota 1).

D'autres observators consideran emai que la logica d'una macro-regionalizacion mediterranenca veïcula un fantasme tecnocratic ambigú e que lo discors sul *soft space* pòt servir una estrategia de "refrontalizacion", de reaffirmacion de las frontières de l'UE [*EU rebordering*], per a l'encòp exportar las prioritats politicas de l'UE e melhor delimitar sos limits meridionals (Bialasiewicz *et al.*, 2013). Aquò remanda a una "natura nautament selectiva de las concepcions de l'UE sus las relacions de vesinatge e l'espaci mediterranenc. Aquelas conceptualizacions partejan generalament la tendéncia ambivalenta de considerar la mar coma una region, d'un costat, e de la considerar coma una frontiera, d'autre costat" (Scott *et al.*, 2019, p. 6).

Compte tengut d'aqueles obstacles potencials, una solucion alternativa a la macro-regionalizacion poiriá èstre d'elaborar e de metre en òbra una estrategia per las regions del Nord-Oest de la Mediterranèa, per tal d'enfortir e de racionarizar la cooperacion territoriala sens la limitar a las questions maritimas. Una tala cartografia presenta una cèrta coérència amb la dinamica cooperativa existenta. Mas diferents actors, fàcia a aquela ipotèsi, critican la valor ajustada operacionala, la coérència espaciala d'una particion Nòrd-Sud de la Mediterranèa, *a fortiori* se l'objectiu es la cooperacion.

D'aquel punt de vista, l'IOM fornís la responsa mai adaptada per cooperar dins una zòna tanben fragmentada, ja que la mar es lo melhor - o lo mai reasonable - denominator comun. La causida d'una estrategia maritima pòt èstre

interpretada coma un mejan de circonscriure lo domeni de la cooperacion a la mar, e doncas d'evitar las questions territorialas potencialament conflictualas dins la zòna. Se pòt pensar a la question del Sahara occidental entre Marròc e Argeria, a las tensions entre Marròc e Espanha sus las vilas de Ceuta e Melilla, o als problemes entre los Estats europèus e nòrd-africans suls fluxes migratoriis (Scott *et al.*, 2019). Un actor estima que “las ribas nòrd e sud se parlan, es ja fòrça”, çò que rejonh l'idèa que “la Mediterranèa poiriá potencialament significar de novèls espacis d’interaccion politica e de dialòg sòciocultural d’escalas multiplas, mai que mai s’aquestes facilitan una cooperacion negociada conjonchament a l’entorn de preocupacions comunas” (Scott *et al.*, 2019, p. 7).

La compartmentalizacion de la Mediterranèa pòt doncas èstre una resposta per operacionalizar la cooperacion a una escala mai eficaça que l’escala globala, mas disfonccionala fins ara, de l’Union per la Mediterranèa. Pr’aqueò, coma o an mostrat los debats al Forum Med Cat en febrièr de 2019, las opinions demòran partejadas entre una estrategia per l’ensemble de la Mediterranèa, mantunas estrategias mediterranencaas o encara una cooperacion basada sus de dispositius mai ponctuals, de composition e delimitation variablas. Debats que tornan afirmar la pregnància dels paramètres politics. Dins aquela perspectiva, la mesa en òbra dels programas Interreg de l’UE après 2020, amb lo projècte d’alinhament dels programas sus las estrategias macro-regionals o de bacin maritim, serà una variabla-clau en Mediterranèa occidental.

Per alhors, las iniciativas en favor d’una macro-regionalizacion de la Mediterranèa occidental confirman que cèrtas questions e problemes de planificacion pòdon pas èstre abordats qu'a d’escalas novèlas, distinctas de las delimitacions administrativas tradicionaals e implican una governança cooperativa. Illustran coma l’integracion europèa pòt influenciar las prioritats e los metòdes de l’amainatjament. Mas revèlan tanben quelques contradiccions d’“injonccions europeanisantas”.

D’un biais genral, la dinamica macro-regional indica una evolucion cap a un contèxt que poirià qualificar de “pòst-complèx”. L’Union europèa es un sistèma complèx de prerogativas entremescladas, de societats mobilas e de fluxes interconnectats de personas e de mercas. Las estrategias macro-regionals, amb lor logica multi-partenariala, flexibla e cooperativa, incarnan una temptativa de “far funcionar lo complèx”, de mobilizar e d’organizar las divèrsas ressorras de la complexitat per elaborar de politicas mai eficaças e legiblas. Coma o menciona una persona interrogada: “l’objectiu es la resulta e non l’element buerucratic o l’elibilitat”. Mas la question demòra dobèrta de saber coma la flexibilitat e la coérència pòdon correspondre. Coma las partidas beneficiàrias, e mai encara los ciutadans, pòdon identificar una cèrta politica o organizacion se los titularis e la circonscripcion territoriala pòdon variar d’un projècte a l’ autre? Los dispositius macro-regionals pòdon ganhar en espessor institucionala sens crear una novèla institucion? Retrobam aquí lo limit de l’apròchi pels *soft spaces* e l’operabilitat limitada de l’oposicion entre espacis soft/hard per interpretar

los contexes macro-regionals (Boulineau, 2017). A un cèrt punt, pareis necessari de delimitar clarament las accions, los domenis o los camps d'aplicacion per pervenir a de politicas eficaças e lor donar de sens. Pareis dificil per una planificacion estrategica de se contentar d'adicionar de projèctes de geometria variabla, a mens que sián unicament estrategics que pel nom.

Aquela evolucion pòst-complexitat pòt tanben èstre interpretada coma una temptativa per reduire l'escart entre los ciutadans e las politicas de l'Union europèa, per mostrar la valor ajustada de las realizacions concretas de l'UE dins la vida quotidiana. Amb las estrategias macro-regionals, l'Union europèa cerca de renovelar la cooperacion territoriala a d'escalas e per de modalitats apropiadas per tractar dels problemes concrets, que poirián pas èstre tractats a l'escala nacionala, regionala o locala. Simplificacion, flexibilitat, sinergias, comunicacion e visibilitat son dins los objectius-claus de la politica regionala de l'UE anunciada per 2021-2027. Al lum de las evolucions sòciopoliticas mondialas, se pòt far l'ipotèsi qu'aquelas preocupacions son pas especificas a l'Union europèa, mas que constituisson d'enjòcs actuals dins las societats doberitas, democraticas e plurialas: coma conciliar complexitat sociala e eficacitat politica sens faussa simplificacion, coma raprochar los ciutadans de lors representants sens demagogia grossière.

Çaquelà, se la logica de la macro-regionalizacion es clara, los efièches demòran discutibles. Per mantuns aspèctes lo quadre macro-regional se sembla a una autra organizacion intergovernamental, una "escala" suplementària de presidéncias que viran e de reünions annadières confidencialas. Mentre que la proposicion de la Comission europèa per la politica regionala de l'UE après 2020 sembla de visar a una normalizacion de la cooperacion macro-regionala, una cèrta "fatiga macro-regionala" es pas d'exclure dins cèrts cases en fonccion dels paramètres politics e de las resultas enregistradas.

Conclusion

Lo cas de la Mediterranèa occidental met en relèu las divèrsas potencialitats e dificultats de la macro-regionalizacion. Mòstra qu'aquesta modalitat de cooperacion territoriala, emai foguèsse complèxa e de còps desordonada, pòt èstre un instrument d'amainatjament pertinent dins l'espaci europèu actual. La zòna presenta d'indicators socials, economics o politics que pòdon favorizar la cooperacion macro-regionala, subretot se se considera l'intensitat de la cooperacion territoriala dins aquela zòna. Una iniciativa maritima per la Mediterranèa occidental foguèt iniciada en 2017 e pòt èstre considerada coma una etapa dins un procès de macro-regionalizacion. Los actors politics de la region preconisan un apregondiment e una melhora estructuracion de la cooperacion a l'escala macro-regionala, per respondre a las escomesas de l'economia blava, d'una mehora infrastructura de transpòrt o de sinergias

economics, entre d'altres. Dins lo meteis temps, la Mediterranèa occidental revela un contèxt geopolitic fragil e tendut, amb notadament una fragmentacion sòciopolitica marcada entre païses del Nòrd e del Sud. Aquò limita d'un cèrt biais la cooperacion macro-regionala a las questions maritimas, que son consideradas coma los sols denominators comuns rasonables al jorn de uèi. Aital, lo cas de la Mediterranèa occidental lèva de questions sus la possibilitat de pervenir a una macro-regionalizacion sens una estrategia macro-regionala en propriei. D'estudis comparatius complementaris poirián permetre de comprene melhor aquel aspècte de la macro-regionalizacion.

Per alhors, aqueste estudi de cas illustra coma la macro-regionalizacion s'inscriu dins una dinamica mai generala d'europeanizacion espaciala, que los dispositius de cooperacion territoriala de l'UE i construson una novèla cartografia d'Euròpa que transcendís las frontières "westfalianas" dels Estats. Las macro-regions participan a aquela redefinicion transnacionala de las representacions territoriales e, d'aquí, a un renovelament de la meta-geografia europea. En combinant differentas escalas de regionalizacion, del local al global, la macro-regionalizacion suggerís que la construccion d'organizacions regionalas 'macro' interestalas e lo desenvolopament de regions 'micro' sub-estatalas e transnacionalas son de processos interactius e dependents que se pòdon combinar, mai que s'opausar, a las formas sòcio-espacialas dels Estats-nacions. Sul terren, la dinamica macro-regionala actuala indica una volontat de trobar una resposta politica adaptada a las escomesas de la pòst-complexitat contemporanèa, per combinar complexitat e efficacitat, diversitat e racionalizacion. E de mostrar la valor ajustada e la pertinéncia de l'UE en tant qu'entrepreneire politic. D'un cèrt biais, aquò evòca l'"escomesa critica de l'UE" que consistís a formar un *demos* comun a partir de mantunas nacions e culturas especificas, sens las remplacar (Menasse, 2012).

Malgrat las injonccions e los discourses cooperatius, los paramètres politics –en particular al nivèl dels Estats e de las autoritats territorialas– condicionan encara l'eficacitat dels arrengaments macro-regionals. Aquesta limitacion es parallèla a d'unas de las carrières bòrnias de la governança de l'UE. De mai, la participacion populara demòra lo parent paure de las realizacions macro-regionales, çò que pòt entravar tota evolucion de las representacions espacialas e meta-geograficas, e los ligams entre los ciutadans e l'UE. Lo passatge d'una simpla incarnacion fonccionala a una incarnacion mai sòcio-culturala de la macro-regionalizacion pòt èstre un pas de far, se l'agenda de l'europeanizacion espaciala demòra d'actualitat.

Bibliografia

- ALLMENDINGER, Phil; Tobias CHILLA; Franziska SIELKER (2014). "Europeanizing Territoriality—Towards Soft Spaces?". *Environnement and Planning A*, vol. 46, núm. 11, p. 2703-2717.
- BAUDELLE, Guy; Catherine GUY; Jean OLLIVRO (2002). "Les scénarios de l'espace européen", dins: Guy BAUDELLE; Bernard CASTAGNÈDE [ed.]. *Le Polycentrisme en Europe. Une vision de l'aménagement du territoire européen*. La Tour d'Aigues/Paris: Éditions de l'Aube/DATAR, p.107-154.
- BELLINI, Nicola; Ulrich HILPERT [ed.] (2013). *Europe's Changing Geography. The Impact of Inter-regional Networks*. Abingdon-on-Thames: Routledge.
- BERNIÉ-BOISSARD, Catherine; Jean-François COUROUAU; Thomas PERRIN (2018). *Occitanie Pyrénées-Méditerranée. Portrait d'un région*. Tolosa: Le Pérégrinateur.
- BIALASIEWIC, Luiza; Paolo GIACCARIA; Alun JONES; Claudio MINCA (2013). "Re-scaling 'EU'rope: EU macro-regional fantasies in the Mediterranean". *European Urban and Regional Studies*, vol. 20, núm 1, p. 59-76.
- BOIRA MAIQUES, Josep Vicent (2010). "L'Eix Mediterrani entre les dinàmiques locals i la perspectiva megaregional". *Documents d'anàlisi geogràfica*, vol. 56, núm 1, p. 91-109.
- BOIRA MAIQUES, Josep Vicent; David L. PRYTHONCH (2015). "Mediterranean regionalism from territory to trains: spatial politics and planning of macro-regions and transport networks in Spain". *Space and Polity*, vol. 19, núm. 2, p. 110-131.
- BOIX, Rafael; Joan MARULL [ed.]. (2016). "Megaregions i desenvolupament urbà sostenible. Factors estratègics per a l'àrea metropolitana de Barcelona en el context europeu". *Papers*, núm. 58.
- BOULINEAU, Emmanuelle (2017). "Les macrorégions en Europe, une nouvelle régionalisation pour renforcer la cohésion territoriale?", dins: Guy BAUDELLE; Danielle CHARLES-LE BIHAN [ed.]. *Les régions et la politique de cohésion européenne*. Rennes: Presses Universitaires de Rennes, p. 95-108.
- BRENNER, Neil (2004). *New States Spaces. Urban Governance and the Rescaling of Statehood*. Oxford University Press.
- BRUNET, Roger [ed.]. (1989). *Les Villes « européennes »*. Montpelhièr-Paris: Datar-Reclus, La Documentation française.
- CARMONA, Ana [ed.]. (2013). *El lugar de las macro-regiones en el marco de la cooperacion territorial Europea: presente y futuro*. Sevilla: Consejería de la Presidencia, Junta de Andalucía.
- CCE: Commission des communautés européennes (1991). *Europe 2000. Les perspectives de développement du territoire communautaire*. Luxembourg: Office des publications de l'Union européenne.
- CESE: Comité économique et social européen (2012). *Avis du Comité économique et social européen sur le thème "Élaboration d'une stratégie macrorégionale en Méditerranée"*, ref. ECO/332-EESC-2012-1399.
- COLOMB, Claire; Francesc MORATA TIERRA; Antoni DURÀ GUIMERÀ; Xavier OLIVERAS GONZÁLEZ (2017). "Multi-level geographies of trans-boundary cooperation in Catalonia: governance, planning and 'cross-border spaces of regionalist engagement'", dins: DeAS, Iain; Stephen HINCKS [ed.]. *Territorial policy and governance. Alternative pathways*. Routledge / Taylor e Francis, p. 92-123.
- COURTOT, Roland; Sylvie DAVIET; Michèle JOANNON [ed.] (1994). "L'arc méditerranéen en questions". *Méditerranée*, vol. 79, núm. 1-2.
- CUGISI, Battistina; Andrea STOCCHIERO (2016). "The European Union Strategy for the Adriatic-Ionian Region", dins: Stefan GÄNZLE; Kristine KERN [ed.]. *A Macro-regional Europe in the Making. Theoretical Approaches and Empirical Evidence*. Basingstoke: Palgrave Mac-Millan, p. 169-188.

- DÜHR, Stefanie (2018). "A Europe of 'Petites Europes': an evolutionary perspective on transnational cooperation on spatial planning". *Planning Perspectives*, vol. 33, núm. 4, p. 543-569.
- DURÀ, Antoni; Xavier OLIVERAS (2013). "A Typology of Agents and Subjects of Regional Cooperation: The Experience of the Mediterranean Arc", dins: Nicola BELLINI; Ulrich HILPERT [ed.]. *Europe's Changing Geography. The Impact of Inter-regional Networks*. Abingdon-on-Thames: Routledge, p. 101-124.
- GÄNZLE, Stefan; Kristine KERN [ed.] (2016). *A 'Macro-regional' Europe in the Making. Theoretical Approaches and Empirical Evidence*. Basingstoke: Palgrave Mac-Millan.
- FLORIDA, Richard; Tim GULDEN; Charlotta MELLANDER (2008). "The rise of the mega-region". *Cambridge Journal of Regions, Economy and Society*, vol. 1, núm. 3, p. 459-476.
- JONES, Martin; Anssi PAASI [ed.] (2013). *Special Issue: Regional World(s): Advancing the Geography of Regions*, dins: *Regional Studies*, vol. 47, núm.1.
- LEVER, William F. (1999). "Competitive Cities in Europe". *Urban Studies*, vol. 36, núm. 5-6, p. 1029-1044.
- MENASSE, Robert (2012). *Der Europäische Landbote. Die Wut der Bürger und der Friede Europas*. Vienna: Zsolnay.
- NAGLER, Alexander (2013). "European Macro-Regions as a New Dimension of European Geography: Networks of Collaboration in the Light of Culture, History and Language Capabilities", dins: Nicola BELLINI; Ulrich HILPERT [ed.]. *Europe's Changing Geography. The Impact of Inter-regional Networks*. Abingdon-on-Thames: Routledge, p. 31-63.
- PE: Parlement européen (2012). *Résolution du Parlement européen du 3 juillet 2012 sur l'évolution des stratégies macro-régionales de l'UE: pratiques actuelles et perspectives d'avenir, notamment en Méditerranée*, P7_TA(2012)0269.
- (2015). *New Role of Macro-Regions in European Territorial Cooperation*. Bruxelles.
- PELLISTRANDI, Benoît (2018). "La crise en Catalogne, une fracture décisive". *Politique étrangère*, núm. 2018/1 (printemps), p. 103-115, doi:10.3917/pe.181.0103.
- PERRIN, Thomas (2013). *Cultura i Euroregions. Catalunya en l'Arc Mediterrani*. Barcelona: Editorial Aresta.
- (2014). "La Catalogne dans l'Europe. Entre évidence et stratégie". *Mirmande, Revista de cultura-Revue de Culture*, núm. 9-2014, p. 26-33.
- (2016). "Neo-regionalismo y movilización de los entes sub-estatales en Europa", dins: CANCELA OUTEDA Celso; Antoni DURÀ GUIMERÀ; Andrea NOFERINI [ed.]. *Europa, políticas públicas y gobernanza. Les ideas y las redes de un académico europeísta: en recuerdo de Francesc Morata*. Santiago de Compostela: Editora Andavira, p. 145-152.
- (en premsa). "Cultural dimension of macro-regions. A prospective reflection", dins: Gabriele GABELS; Jan BATTKE [ed.]. *Regional Governance in the EU: Regions and the Future of Europe*. Cheltenham: Edward Elgar Publishing.
- RIVIÈRE, Dominique (2005). "L'Arc méditerranéen, un "objet européen" à la recherche de son identité", *Actes du Festival International de Géographie de Saint-Dié-des-Vosges*, http://archives-fig-st-die.cndp.fr/actes/actes_2005/index.htm
- SCOTT, James-Wesley; Filippo CELATA; Raffaella COLETTI [ed.] (2019). *Special issue: Bordering imaginaries and the everyday construction of the Mediterranean neighbourhood*, dins: *European Urban and Regional Studies*, vol. 26, núm. 1.
- SEILER, Daniel-Louis (2004). "Comparaison et aires culturelles régionales. L'Europe du sud et les modèles de Rokkan". *Pôle Sud*, núm. 21-2004/2, p. 69-80.
- SELTZER, Ethan; Armando CARBONELL [ed.] (2011). *Regional Planning in America. Practice and Prospect*, Cambridge, Lincoln Institute of Land Policy.
- WASSENBERG, Birte; Bernard REITEL; Jean PEYRONY; Jean RUBIÓ (2015). *La coopération territoriale en Europe - Une perspective historique*. Luxembourg: Office des publications de l'Union européenne.

WISE, Mark (2016). "The Atlantic Arc: A Macro-region in the Making?", dins: Stefan GÄNZLE; Kristine KERN [ed.]. *A 'Macro-regional' Europe in the Making. Theoretical Approaches and Empirical Evidence*. Basingstoke: Palgrave Mac-Millan, p. 243-268.